

奉元錄十


農商務省  
圖書  
第 共  
號 册

太政官文庫  
和書門  
八二七二  
一七七二  
二五九七  
册架函號類

內閣文庫  
和  
八一  
二五  
一五七函  
一九架

內閣文庫  
番號 和 8172  
冊數 25 ( 11 )  
函號 157 357





奉知録卷十

石川大山

室鳩巢

中野純

太宰純


服惟良

湯浅元禎

曾雲門

西郷述房

勝田五嶽



那波道圓

高野蘭亭

鷹見爽鳩

玉蘭

池大雅

小野元朗

源桃花

横井也右

明治十三年購求

東下菊所

朱舜水

鈴木三武

山縣孝孺

大島芙蓉

岡田兼山

長坂黑肱

堀田六林

森尚謙

物茂郷

大串元善

秋本以三

澤村琴所

田坂瀨山

中根元圭

野村澹齋

通計三十五名

六二番



石川重之  
 諱四字丈山、號六山人、又有大杖四留、顯仙子、孝子之号  
 後改左新衛世三州人、碧海郡泉師也、寬文十二年壬子、五月廿二日卒、年九十、葬

清和帝七世孫、源義家第六子、左兵衛尉義時、號石川、是迺石川之所自出者也、義時十五世孫、大炊助信貞、仕長親君、君者、東照大神君之高祖、而信貞者、公之五世之祖也、信貞生信治、信治

仕 神君之藝祖 清康君攻尾州熊谷城而有  
軍功矣子正信仕 神君之皇考 贈亞相廣忠  
君與今川義元攻三州安城而拔焉正信先登  
君賞之賜長吉之佩刀而后奉仕 東照大神君  
戰死良久子其子信定屬石川長門守攻駿州田  
中城被衝左股奪其槍矣信定有三男二女長乃  
公也公幼而岐嶷四歲而健步行道里餘穎敏過  
人能知二歲之時事十六歲而奉仕 神君常陪  
侍左右思遇異常元和乙卯夏五月秀賴反 神

君至難波自帥師征之公至戰伐之日而歎犯軍  
令竊出營中而先登矣園山之戰交槍被創又至  
城門與敵人佐十五門某者及從者力戰遂獲二人首  
班師之後屏居洛西與羅浮子李菴玄同等為騷雅  
之交而后親炙北肉藤先生得聞聖賢道學之風  
始學禪教後捨異學而醇如誠卓乎非文武雙才  
耶母老家貧按魏陽臨西州其將行謂羅浮子玄同子曰  
此行也豈素志宿心哉母終天年則身將退不敢  
食言矣公事老母至孝居有年老母沒居喪盡哀

服闋而后捨官歸洛、遍尋名山、而遂肥遯台嶺之  
林麓、一乘之邑、四凸窩中、築詩仙堂於其中、撰漢  
晉唐宋作者三十六人、而畫之、揭之、蓋擬諸我  
邦之歌仙、是廼詩仙之濫觴也、羅浮子為之記、園  
中境有十景、有十二、文按十二景、所謂滿溪櫻花、  
前村犁雨、岩墻瀑泉、砌池印  
月、溪邊紅葉、四山高雪、台墻閑雲、鴨川長流、洛陽  
晚烟、雞波城樓、園外松聲、隣曲叢祠是也、  
羅浮子、洎向陽讀耕賦之詩、而後公咏和歌、文按  
贈矣、人口、因記于此、曰、度羅夫奈、彌農小川農  
過、作曰、篤麼、老農皮添、影麼、法追、葛夫、  
而再不渡鴨河、再不入京師、頗彷彿指門前之桑

况又一生不迹粉黛、亦無有妻子、人以以諸元魯  
山、三徑塵除、半夜燈閑、淡霧欲一裘、一葛、未敢  
取于人、其行已也、剛而直、廉而潔、其嗜學也、如食  
芻豢、四十年来、杜門養疴、未嘗接俗士、未嘗問俗  
事、所交遊者、僅六、七人、余亦在列、洽聞強記、搜討  
無遺、特巧詩律、而筆端高妙、私淑唐体、而有浣花  
之髓、奚翅當世之宗工、鉅匠而已哉、我邦自有  
二重子之咏、以降言詩者、數十百家、數十百家之  
中、不見出公之右者矣、寬永丁丑、韓客來朝、與

學士推伏文按字號菊軒筆語、伏一讀其詩、為日東  
李社、有是哉、外國之人之賞之也、厚好之也、深圖  
書推案、家无儋石、膏宇廓然、無所碍、安貧樂道、俯  
仰無愧、誠孰淳靜、好古之隱君子也、素能隸書  
羅浮子曰、如頴谷也者、本邦所未嘗見者也、其  
平生之吟稿曰覆醬集、行于世、今茲春夏之交、臥  
床而不起、臨終謂其左右曰、結纓易箠之志、未嘗  
忘焉、其端心如此、嗚呼悲哉、西山之日已迫、寬文  
壬子夏五月二十三日、日將晡而端坐而逝、享年

九十歲、貴介達宮、識與不識、共無不哀惜焉、斂了葬  
其處、其地村民會墓者百有餘人、其平生之惠之  
所及、不言可以知焉、柳谷教人野子苞撰墓誌

異域亦有一乘寺、號凹凸花石、公諱偶、云凹感其地  
名同、而諱字相耦、自号凹凸窠、松永昌三著覆醬集序  
今京兆尹此云諸司代板倉羽林公、周防寺重宗與微君友善  
三陽中島有一禪刹、曰長圓、盖所葬羽林之先考  
伊州伊賀勝重太守之地也、構堂宇、紺園而香火不絕、樹  
林翁鬱、江波千里、景物之所鍾、殆靈區也、京尹謂

得君之詩卷而藏之堂中、氓設不朽君詩再三公  
乞之多年而不輟於是乎不能方命詩卷成名之  
曰覆督集、野子苞撰覆督集序

石川也安也、  
因より、  
を、  
刀、  
法、  
古、  
期

石川文山諱ハ重之信称ハ嘉吉也、  
將軍、  
少、  
結、  
庶、  
願、  
在、  
て、  
の、

特仙堂執事屋別宗謹白

那波道圓

因王父字

名方字道<sup>四</sup>號活所後改姓祐名輒播州姫路人以

儒事紀侯<sup>一</sup>浦龍心保 戊子正月三日卒五

十四、葬于洛東日慧山、

眩餘雜誌之信吉  
後  
髮  
道圓

先生幼聰慧絕人五歲誦伊呂波字以物詰之則指其  
字忘之如影響及稍長不顧家產好賞拆古書父以  
其有戈器將之勤勉焉初父使先生習儒醫西道先  
生以不稱其性竟棄醫業儒時藤公斂夫在洛唱濂  
関之學名顯白當世而藩籬高峻少闖之者慶長庚  
戌先生辭親來洛謁藤公行弟子礼藤公一見奇之  
寄待踰他与其林道春堀心意管玄同等往復侍坐



憤懣不已嘗賦杜鵑詩有相喚不成群句一時流輩  
多疑譏者先生固執不變規之藤公遂許可焉  
其平生警策類此戊午妹藤公卒葬之洛北相國寺  
林光院門生有武田道安父死同葬之于藤公墓傍  
相對立如無等級時人私議謂藤公家世冠纓之曹  
而有德望武田氏匹夫而無雅行然抑而不發先生  
獨奮然怒以為不當若之即日作書寄林光院俗傳  
之為美談從此声名大振元和癸亥秋應加藤氏肥  
神祖後肥後太守加藤志廣也之招從事肥州後以不遇致仕歸洛居銅  
駝坊閑栖益自刻苦務記覽講春秋胡傳四書集註  
通鑑綱目等書且令二三子編四書註者自作叙

嘗三進見  
神祖後肥後  
加藤侯見幾而  
作隱于家竟  
永甲戌其著祖  
在伏水郎一見  
遂其其辭歲  
祿五百石為人

不求苟合事上有塞諺之風欲其便於檢閱也寬永乙亥秋遊仕記郎、君日問  
君臣之道如何先生輒著人君明暗圖說對焉戊寅  
夏先生在武江僑居毒熱已發眼疾辛巳夏先生講  
杜律七言告學者曰若誦其誦不知其評可乎因命  
輯老杜叢話二卷壬午春幕府命儒臣編輯諸家  
系譜先生拜命赴武江以眼疾固辭放歸之自後  
邱君恩遇日渥先生以眼疾不痊累召不起予木菴  
幹其盡使之從事竟賦自處一篇以見其志丙戌冬  
先生定省父病于播州叔櫬而歸丁亥冬先生病且  
革邱君遣使賚金帛三保戊子正月三日卒所著有  
活所備忘錄三十卷帝王歷數圖一卷并文集若干

卷 門人 奥田舒雲撰行狀

夫先王之於儒也、窮理存誠、常說朱陸矣、不為無蕨微之明、其於文章也、卓犖精緻、強避倭習矣、不為無起廢之功、其於學者也、不擇利鈍、能導能曉矣、不為無啟蒙之誨、卧病之後、手不捐卷、口不置誦、使二三子學史鑑昏、殆無虛日、然性剛直、不媚<sup>能</sup>權貴、忘名居實、澹泊如也、故往、不合于時、先生亦不以介意、及對其知己、則雄辨快語、遷晷不倦、同上

那波主膳 別号曾堂

那波道円ノ末孫シ名師曾字、孝卿号梧鳳、京都ノ住シ聖護院宮ノ家臣トナリ名爲子信リ頭至老

木下衛園

名元高字平之号菊所 一号雲湖堂或号好青館 亦号知齋

余世家津陽大阪大父守中翁慶長十八年卒嚴考杏林翁十五歲也游學洛陽而二十歲歸大坂之後術業日就月將近里遠村聚無不勾刀圭者於是乎竟達于大猷大君高聽寬永十六年庚辰<sup>己卯</sup>七月甄拔祇召臻江府實四十一歲也同十七年庚辰七月廿七日為直醫近習焉賜年祿月支同十八年辛巳五月歸津陽移

家于江府携先妣惠淑孺人乃余兄弟友按字為淺井友芝西養因其氏冒正保四年丁亥八月六日病终于正寢有辞世詩曰四十九年一夢榮死生有命豈今驚浮雲不淹本  
來月無借秋風天下明本下元高著流霞唱和集自序  
僕實高祖伯州公昔本姓金森也仕平室所家而後致仕  
居和州坪坂因氏為信長記所載坪坂新五郎昔因幡  
守之弟而曾祖之兄也曾祖独改木下氏傳聞不知其  
所以也僕見養于友芝故冒其姓第淺井篤撰附錄

木林尚謙

字利涉号儼塾又号復菴紀州大田邑或号不深居士以儒醫  
事于水戶侯儀

儼塾晚生森尚謙源姓佐木之苗裔嘗称松本氏世  
居紀州大田邑祖考玉翁了珍居士以勇敢聞于鄉  
里天正中拒豐臣公命守戰不利遂遜迂阿州後或  
仕宦或遠遊遷位攝州天滿鄉不幸而不能顯世寬  
永十四年卒歲七十三初娶阿州森村春之女生先  
考空菴性寿居士先考經歷四方多嘗艱難遂志醫  
道師半井驢菴瑞寿先生先生早没不幸而不能榮

受業于松永  
昌三旁學  
于福住道祐

達有故稱森氏後客車概東高槻城主永井日州刺  
史娶阿州森田瑞哲之女生尚謙祖考先考並有行  
狀尚謙在胎也先妣夢神人來授明玉而姓自是好  
聞史傳晝夜無倦以兼忘二年癸巳閏六月十九日  
癸丑生于高槻城下生時井水涌騰又鼈來上座因  
名龜之助長後聞考妣屢對人語如此六歲初學十  
字文八歲習四書十一習五經皆由考妣嚴厲勸課  
也器用不伶俐而唯感物不已喜聽老成之談話不  
好俗間之浮靡適于浪華受學於福住如松子字余  
曰利涉適于京師學經於松永昌易子暇日聞兵法  
山脇重頭子遂受驢菴醫傳述父業其在高槻也遭

火災廢業及弱冠患痞疝大苦垂死踰年不能言復  
廢學延寶六年先考沒壽七十七葬大德寺因遺命  
辭高槻移京師愛老莊閱佛書友人咸疑流于異端  
家甚窮迫自覺失經濟之術遂遊南紀又至阿州歲  
餘而還海上遇風波僅免入京尋東往武陽居三年  
上京迎先妣及妻子而還住武陽不幸而復困窮不  
能與家貞享元年三十二歲遊日光歸患疫殆死已  
瘳依佐、子、抄之薦事水戶源義公侍彰考館日交  
文士檢、本朝史編修紀傳私喜得益賜祿二百石  
嚮者尚謙病劇時先妣禱伊勢兩宮及多賀神求身  
代之於是欲賽于神又欲謝故鄉親戚救我窮者告

公請暇、西遊往來數十里、遂其素志、而還日名弊居  
曰復菴、義公歸藩、從駕歷涉水戶、公尋致仕、卜居西  
山、屢往陪侍、今參議公 賜宅於水戶、乃命營講  
堂、教授諸生、我公命堂名瑞儼塾、元祿十四年庚辰、  
義公薨、明年先妣辭世、号真覺、知性壽八十、葬<sup>城西</sup>神崎  
寺、事蹟見碑、陰尚謙平居在塾、誦經談史、自樂、摺摺  
草稿、得十卷、名儼塾集、嗚呼、我性質魯鈍、少記憶、不  
能敏捷、屢思而後有得、嗜欲淺而厭繁華、恒心在治  
世安民之間、好聞諫言、求會益友、動論時宜、蓋是我  
僻也、今歲丙戌、齡己五十四、蒲柳之質、豈計後榮、若  
身處榮貴、居致安逸、不能解物理、其志操難測、可謂

不幸矣、從來坎軻、苦我心志、逸屬此文、貽所思於後  
昆、不亦大幸哉、不知斃于何日、墓于何地、漫效子長  
孟堅之自為序、淵明樂天之自為傳、聊記已往、猶如  
夢中記夢耳、自叙傳

室直清

字師禮、備中英賀人也、其先熊谷直實之裔、俗稱

新助、幼名彌鳩、巢命齋曰靜儉、万治元年生于州

之谷中邑、享保十九年八月十二日、卒于駿臺、賜

策年七十七、武莖州豐嶋郡大塚里、

考諱玄樸、菴号卓妣平野氏、万治戊戌元年、產先生于州

之谷中邑、生有異質、睿敏絕人、入宦賀藩、一日在公

前講大學章句、公嘆曰、真英物也、豈使令是待使成

其材、以為天下之器、不亦可乎、即命之、受業於嘖庵

先生之門、客於京師、以神童稱、既長、從鉅儒名賢講

究益勤、研精覃思、集其大成、及歸藩、之士大夫皆

一字汝玉又  
滄浪

矜式焉、奇村國器、往、出其門、討論之暇、著大學新  
疏、以發章句之蘊、

正德元年、應 東臺之徵、來就江府、適韓人來聘、奉

臺命、束帶、繼而接之、往復贈答之什、積成卷、表、應對  
如流、斟焉、愈、盈、淵、誦、滄、瀄、混、潑、激、清、偉、篇、傑、作、大  
東、振、古、所、未、有、也、後、領、高、倉、館、教、授、府、下、翕、然、嚮、慕、  
受、業、者、日、衆、有、德、廟、繼、統、之、後、特、擢、先、生、授、殿、中、  
侍、講、此、職、之、設、蓋、自、先、生、始、嘗、受 鈞、旨、疏、五、倫、五  
常、名、義、記、以、國、字、書、成、獻、之、又、述、六、論、行、義、大、意、  
官、命、鏤、之、布、于、天、下、先、是、著、論、孟、中、庸、及、易、經、廣、義、  
未、及、考、訂、至、是、罹、災、而、亡、時、先、生、偶、感、未、疾、不、能、重

屬、藁、侵、淫、日、甚、終、以、不、愈、陳、疾、乞、老、者、再、三、 優、命  
不、允、猶、帶、戕、名、家、居、以、頤、養、為、事、病、間、著、駿、臺、雜、詒  
有 旨、徵、之、因、以、獻、焉、而、時、學、變、軌、橫、議、載、路、詭、譎  
險、薄、之、言、聳、動、人、聽、將、為、利、售、舉、世、靡、然、淳、風、幾、息  
以、故、先、生、謝、絕、生、徒、不、亂、其、群、掃、迹、自、守、臨、、焉、洋  
洋、焉、蓋、得、否、亨、之、道、矣、然、每、有、篤、志、來、請、者、不、復、甚  
拒、引、之、牀、下、力、疾、指、教、諄 乎、各、因、其、村、而、篤、焉、病  
之、漸、也、尚、且、著、太、極、圖、述、成、編、弘、闡、漁、函、千、載、之、秘、  
俟、後、學、乎、後、世、此、乃、先、生、之、絕、筆、也、生、二、子、男、洪、謨、  
字、孔、彰、稱、忠、三、郎、按、洪、謨、宣、義、書、云、僕、年、五、十、不、幸、  
祀、太、年、冬、婢、生、男、乳、名、無、  
地、想、所、謂、忠、三、郎、者、即、是、卒、女、歸、高、階、氏、云、

清自幼好學有略得古人遺意者所見聞士大夫亦頗  
多然於義理則必得高明指羽之許可以自信於文  
辭則必經木翁之品題以自足私心自謂二公天下  
之知己也管羽先生書

元祿三年秋余在賀陽得永氏廢宅在城西者買而居  
焉蓋余仕賀十有九年始得有家安處免於迂徒之  
勞於是名其宅曰鳩巢鳩巢記蓋因詩鵲巢以爲鳩  
他人曰築不自能任土木之事也

直清自幼年時始知讀書不幸爲俗學之所誤以記誦  
詞章爲業及弱冠後始悟前日之非稍厭棄浮榮  
將泐伊洛之流以沂洙泗之源啓遊佐次郎左衛門

### 如竹翁

薩摩州人也不詳姓名自號如竹散人或曰薩  
摩州有小島曰役島翁島中舵工子也以慶安  
明曆之間卒于薩本邑

翁自知削髮爲僧既長至京居本能寺學法華之教然  
心不樂嘗自京歸視其親族時同州人釋玄昌文之  
以文學有名先是朱氏四書始傳於東海猶未盛行  
於世玄昌主以四書集註授其徒於薩之城下翁方  
赴京過城下一聞玄昌講朱氏之說大說曰吾固謂  
世有此也果然於是盡廢其學而從玄昌學焉遂爲  
儒爲人質直少文不妄笑語其學不務博尤精四書



不好詩賦慶長中翁為家貧往至東都求仕故泉州  
刺史藤堂侯 聞翁有字行遣使聘之翁始至見  
侯於邸乃曰鄙人不知忌諱今當備顧問職在盡言  
願君侯容之不然請由是辭焉藤堂侯曰君能如是  
所以吾敬君若夫佞諛之徒吾豈乏人哉翁由是常  
在侯左右多所裨益居無何藤堂侯卒嗣君不好學  
翁遂行反于薩盡出其餘祿以賑親族鄉黨之貧者  
又浮海遠琉球國琉球王師事之琉球小夷不知禮  
義及至翁而教以人倫然後其俗稍一嚮正始知自  
別於禽獸翁居琉球久之不樂遠就異國乃去歸薩  
又盡以餘祿與其親族鄉人如自藤堂氏反前後賴

以全活者為多其後來寓居大坂教授不數歲而還  
以慶安明曆之間卒于薩本邑云翁在大坂大人與  
之相識為余說翁之事頗詳翁雖逃佛歸儒然竟從  
俗不長髮當時自稱儒又不畜妻子其來大坂年近  
八十猶能強力講書不以祁寒大暑廢

嘗聞翁自道其事藤堂侯也嘗講已因言曰人所以異  
於禽獸者以行此道也苟不行此道其何以為人譬  
於禽獸君侯是豺狼也人實畏之臣等是狐犬也人  
實侮之畏侮雖異其為獸一也公笑曰君之言得無  
太過乎當時聞者莫不驚愕翁直言多此類也

翁在琉球國有梁澤民者蓋中國人流寓其土者也又

知翁而敬之、名翁所居曰顧天庵云、室直翁傳清著如竹

貝原篤信

字子誠、號益軒、俗稱久兵衛、其先備中人也、王父某、從侯從筑前、父利貞、母緒、方氏、寬永七年庚午十一月十四日、生篤信於筑前福園城中、篤信歷仕于福園侯三君、忠之光之綱改三君為儒學教授、正德甲午八月二十七卒、年八十五、葬荒津金龍寺

先生七歲、雖未曾學書字、自通國字、好讀艸子、亦學猿樂之俗、謠然不好、望巷、謠藝、歌曲、不疾走、跳躑、自小少不出、淫、媒、戲、慢、之、言、不喜、從、兒、輩、而、戲、遊、行狀

先生九歲深耽於讀書、雖然、此時也、家貧、無書、村居、無師、仲兄、回道、後改元端又稀存齋口授三體詩、絕句、先生朝夕讀之、旬日

之間盡誦之又同邑有加藤田氏者家藏平家物語先生逐卷貸之晨昏誦之殆至忘寢食其耽書也如此先生初閱倭玉篇多記文字且見節用集知倭訓

先生十四歲漸知字多天故試暗昏於人偏木偏水偏等之所

暗記之文字則各門暨至于百餘字大父君知醫業故

先生亦知菜性及食物之性且通醫學正傳醫方選要

万病回春菜粗知醫業此年大父君有故失采地先生

窮居福園荒津新町從仲兄讀四書先生妻崇浮屠仲

兄告以浮屠之非一旦悟其過而終身不好佛自是始知

聖人之道可尊而深信之按大父君指子誠父利貞也利貞則好古之大父也

三保四年丁亥先生十八歲初仕于因君忠之公三年君往

寅有故擯休明曆元年乙未四月將入于江戸於武州

河崎旅舍祝髮髻柔齋蓋欲為醫也二年丙申歸鄉十

二月始仕于邦君光之公承三年忠之公薨光之公紹封自是恩遇日厚

數加采地食祿

殯治五年十二月三日大父君寬齋卒于鄉十八日訃音

至京先生慟哭廢食二日服黻衣六年三月八日出京為

奔喪也二十日歸于鄉即日詣大父君之墓致祭奠居

喪致哀六月二十四日先生與家嚴名義實号樂軒好古父也同改葬

於大父君蓋曰臘為葬之時倉卒而薄儉故今改以塋

士周塗窆側且以厚瓦圍下面及四旁而後容棺於其

中又以厚瓦被於館上重以大扁石而蓋其上皆以石

灰和油塞其隙甚致固密

八年六月娶于秋月邑江崎氏廣通之女七月二十七日  
束髮賜名於久兵衛八月加賜田祿九年十一月賜宅  
於荒津東濱是在京師日講近思錄小学因訓詁之難  
解旁搜傳記撫有資於講說者標書於其上間又加之  
以自發平明而使黑川信篤別淨寫近思錄自加校正登  
之梓前年彫錫終功號曰近思錄備考今年又使黑川氏  
淨寫小学先生無閑暇不能自校正焉付之於八尾正  
守而令訂正焉樣行于世故多鹵莽牴牾先生近來有  
志于改削然無暇日而不能凡小学備考近思錄備考之  
行于世也甚廣矣故其惠後學之功亦不少嘗聞人見

友元之言凡古昔 本邦之先儒所述作固多矣然而  
輯錄於經傳義理之註解者以先生小学近思錄備考  
為始云貞享三年中夏人朱彝來于長崎頗好讀書看  
先生所作近思錄備考以為好昏曰雖中夏無如此註  
解然日本自有禁嚴如 本邦印本不能携飯于中夏  
終日繕寫而還又別有同志之客自中夏携來於近思  
錄善本採備考標書之終功而歸此事彼地大譯穎川  
四郎左衛門之所說也

○先生在京講於近思錄凡講說于近思錄於本邦以先  
生為始四年至江戶五年入京師寓居于入江殿途于  
先生嘗好陞學且玩讀王陽明之昏數歲有朱陸兼用

之意今年始讀學部通辨遂悟陸氏之非盡棄其旧學而純如也先生以謂尚昏論語是聖人之所說以此正陸王之說則太覺有所齟齬而所歸向大異由是益信濂洛關閩之心學欲直泝洙泗之流專心致志晝夜力學不懈至忘寢食此一段當入于寬文三年下十二月上

十二年蒙命住於江戶侍世子蓋依保科肥州太守正之

聞先生之名而薦之也

延寶五年閏十二月朝鮮漁舟漂著于宗像郡大島先生蒙命往于大島与韓人筆語之時發大島歸于福岡邦君召先生親問以韓船之事故先生詳答以船中之事實十三日先生送於韓人水行赴于長崎二十八日陸行

歸鄉八年八月六日中夏東京高船漂寄于志摩郡韓泊先生蒙君命朝到韓泊上于異舶與漂泊筆譯未時歸于福岡謁于邦君侍讀所筆語天和二年朝鮮使信將來受君命從六月到于藍島豫待韓使來七月九日与朝鮮學士三人会面筆語且以詩为唱和十月國君往江戶招先生十一月入于江戶十二月酒井河州太守忠明告先生曰大君儒官人見友元請与吾子相見須此月十七日来会吾宅先生忘期而往謁忠明且与人見氏始相会自後与人見氏締交深厚

三年十一月伯父病熱救疾革幾死先生与家嚴同往于遠賀郡吉田邑相並晝夜不解衣帶奉承顏色不少怠伯

父病益劇豐州長州醫亦束診技窮術盡而辭去於是先生無地措手足自檢諸方書偶尔默察龔氏治嗽之例予其方稍之其方二母寧東湯也服一盞病少快遂投數貼而其病全愈先生雖不事醫業自弱齡多病故學習餘暇深志於醫術故救急如此

貞享元年甲子二月有 台命諭国君以 家康公秀忠公所賜黑田先公之昏別寫之且其事實戰功亦詳記而缺之於是因君親命先生以令記黑田先公之功勞且參謀其事蓋為奉答 大君之台命也

水戸君素耽嗜於古記今年二年使儒臣佐、宗埒巡行築紫諸州搜求于神社寺院所存旧文昏邦君命先生令

待接先生豫告于宰臣令于縣邑聚闔国之旧文書於其家逐一親檢閱擇其可者齎行于太宰府示之佐、氏佐、氏不須必一行省而一時見盡於国中之文昏甚悅吾国之處置便捷而不勞遍歷覽矣而国中之人亦不勞奔馳送迎是先生之力也

四年丁卯改正黑田家譜書初成乙十七冊

扶桑史料卷

秋生雙松

按太宰子撰作誌作諱茂卿疑晚年改諱茂卿

字茂卿、姓物部、號徂來、俗稱惣右衛門、其先居三河大給、實秋生因氏焉、品寬文丙午二月十六日生、仕郡山侯、神津美濃守吉保為記室、食五百石、享保十三年三月十九日、以病歿、年六十三、葬于東都城、南三田原

長松寺

父方菴君諱篤、憲廟侍醫、母兒島氏、生三子、先生其中子也、為兒岐、疑五歲自識字、幼不與群兒遊、昂二馬、十餘歲能屬文、辭喜與長老談論、如成人、十四從父播遷南總、不墮穫於貧賤、執志彌固、為學彌勤、雖祁寒盛暑、采篝燈烟二、未嘗知倦、居無何、文章大進、在總一紀而

反東都從遊者衆、

故甲斐侯之具也、人或薦先生焉、乃辟掌書記、當是時也、  
憲廟與 世子更過侯邸、則必 召見侯家諸從文學  
者、令進講經書、輒有賞賜、而先生為之魁、侯好編修先  
生、每為總裁、用是累益其食、比侯之捐館舍、至五百石、  
嗣君 今郡山侯亦優待之、

先生少學于其家、後讀古文辭家書、而悟文章之道、乃盡  
棄其學、而治古文辭、及成、益知其旧所為文之非是、因  
歎曰、豈惟我若是哉、滔者天下皆是、豈惟今日哉、  
千古以來皆是也、遂不復屬目於東漢以後書云、晚節郊  
居、養病、英才自遠方來者、從遊如雲、號曰徂來先生、

先生嘗言道者文章而已、六經亦唯是物、舍是而他求、後  
儒所以不知道也、故先生之治經也、炳若日星、使先王  
之道可行于今者、實自先生始也、

先生學甚博、才甚富、卓犖有識、觀其所著、可見矣、尤長經  
濟、惜也不得行耳、若夫雅樂、象胥、軍旅、法律、旁及百爾

名物、莫不精覈、是皆其緒餘已、太宰德夫撰墓誌

徂來先生言曰、孔子之道、先王之道也、先王之道、安天下  
之道也、其教則詩書禮、樂、四術是已、自子思、孟子而降、  
為儒家者流、益下益衰、至宋儒而極矣、言有古今、不學  
古文辭、無以知古言、宋儒之謬、皆坐是故、徂來持此說、  
以教人、必自脩古文辭始、其致歸明先王之道、以成其



德從游之士名振一世松崎君伯撰春  
臺先生行狀

予十四流落南總二十五值赦還東都中間十有二年日  
與田父野老偶處尚何問有無師友獨賴先大夫篋中  
藏有大學諺解一本寶先大夫仲山府君手澤予獲此  
研究用力之久遂得不藉講說通通群書也

予侍先大夫七八歲時先大夫命予錄日間行事或朝府  
或客來說何事作何事及風雨陰晴家人瑣細事皆錄  
每夜臨卧必口授筆受予十一二時既能自讀書未嘗  
受句讀蓋由此故並譯文筆蹄題言

### 中野繼善

字完翁號搗謙稱善助長崎人也寬文丁未八月  
六日生歷仕牧野侯四君享保庚

子七月廿三日卒于東都以遺命附葬于城東要  
津寺大夢公塋側

先生母大原氏與古人林道榮之妻兄弟以故先生少長  
于林氏因受業焉道榮視先生猶之從子也授之句讀  
教之書必躬親之先生亦能卒業云

十九遊東都先生好經術工臨池篠山侯引見而奇  
其才則歸之粟以供衣食俾益修其業無何關宿侯野  
大夢公以掌書記辟強而後起

元祿中、憲廟屢過關宿邸、輒召見先生、命進講經書、若  
作字、則必有賞賜、當此時也、諸侯及諸貴游、往知先  
生之名、或引見、或就求為弟子、生從日、以進先生名、益  
大夢公、既老、嗣君、移封吉田、丙戌、先生謝病、以妻子  
徙平安、平安諸生、歸之者衆矣、居一歲、吉田侯既捐館、  
舍嗣君立、尚幼、大夢公乃召先生、先生還東都、

大夢公復得先生、為益秩祿、使之長步卒一隊、責以職事、  
先生由是遂舍其所業、而奉承吏役、從游者失望、因稍  
稍引去、而先生則感激趨義、一食一飲、必稱君恩、每與  
人尚論、未嘗不言大夢公、知遇、長歎、出涕、人無知其意、  
蓋其至性然也、久之、大夢公終天年、尋吉田侯移封延

岡、不幸天今君繼立、先生事四世君、凡若子年、  
先生於經術、為程朱之言、頗有記述、未成書、而罹回祿、故  
不傳、

配根本氏先卒子二人、長符克、未聘、次某、并太宰德  
夫撰碑

川鍛治市高幸海伴之... 菅... 文... 不... 詩人... 眼... 三月... 文...

高野惟馨

字子式、彌東里一、彌蘭亭、東都賈人、以寶永元年  
甲申<sup>主</sup>得年五十四、寶曆七年丁丑六月七日卒、葬  
于相州鎌倉圓覺寺壽藏地、

先生其<sup>本姓高石</sup>先下毛人、六世祖信忠、足利氏之世封喜連川後  
失其城邑、徙于南總、遂籍焉、至王父勝昌、遷東都、改姓  
高野、庵居治產、考勝春、以善俳諧、聯歌有名、号百里居  
士、松崎惟時撰壽藏記、

考勝春、天資豪邁、不事家人產、曉年財漸殫、焉年幾五十  
無子、妻某氏、生先生、先生生聰敏、僅四歲善書、翁奇之、  
不教、以市井鄉里之事、六歲、學昏于佐玄龍、兄弟十歲、

讀晉成童受業但來物先生。見奇之目以趙壁連  
城山惟熊撰墓誌銘

先生十七喪明物夫子謂之曰學者亦多術矣博聞強識  
目力與為多焉非子所宜也先王四教詩居其一今之  
詩繇古之詩也行衢道者不至用志不分乃疑於神大  
雅久不作其將在子乎先生一意奉其教盡絕人事專

詩業益進產益落盡鬻田其它僦屋以居壽藏記

蘭亭者江戶小田原坊魚賣家之子也家累巨萬有瞽者常  
寄病嘗失金幾許以為瞽者必盜屢詰之瞽者無所訴  
冤憂憤不仕遂投井死未幾患眼竟喪明蓋其報應云

同寮加藤

話

物夫子之門以詩名者數十人推南郭先生主盟而先生  
最為晚出常兄事之亡何聲稱藉一日名与之齊當  
世言詩者莫不倚二家門牆而先生尤好誘進後輩從  
遊如雲王侯好詩者出其門什七八四方學者士未嘗通  
刺而聞風私淑者徧于海內先生篇什甚富而尤長於  
五七言近體歷代諸家莫不淹貫而大旨刻意滄溟當  
其得意識者不能辨也門人多請梓其集者先生笑曰  
人亦孰不欲榮名顧吾見其難為也未嘗躊躇滿志與  
其遺臭千載也寧待他日終弗許

先生家素富厚幼時雍容與所交賢毫間長者遊進釀飲  
食被服甚美後雖賜去平好蓄古彝鼎壘洗書畫諸雅

翫治齋室園庭頗修猶尚以少時所習也然不近聲伎  
善飲酒不及亂居處蕭然持論尚正絕無浮華之風慷  
慨趨人之急朋友有緩急疾病死喪必竭力營辦不以  
匱爲解至爲倡諸友出金以贖之退不言功狷介疾惡  
不藏怒不宿怨褒貶不諱輕薄少年時有生平慕之後  
棄之因忌其名高而引繩排根之者

壽藏記

先生素好遊山川多病不能遂其志嘗遊相之鍊倉曰是  
一培塿未足美觀然霸王之墟足以感慨矣且距東都  
百里而遠是我朝川也數往還於是建長圓覺諸寺緇  
徒相邀請詩者多先生亦不拒之遂相往來締方外之  
交甚厚諸上人相謀營草堂於瑞鹿山側甚有幽致名

以五勝曰松濤館曰薜荔門曰蕉鹿園曰漱玉橋曰灌  
花井賦詩以紀焉歲一再往還以樂

先生羸弱善病幾死復蘇者數矣寶曆甲戌之夏先生寤  
疾病召門弟子曰我命在旦夕死當葬鍊倉圓覺寺之  
後山我嘗登彼丘而樂焉二三子無違則死日猶生日  
數旬病愈復召二三子曰日者我將即窆豈圖復得  
与二三子相見乎既而有今日抑天之寵靈與亦將天  
欲勞使吾與雖然五十五年今已過人生幾何我將築  
壽藏乎彼丘以待餘年遂遣人築墳其崇八尺樹以一  
株松封如馬鬣使門人松惟崎時記其事于石巍然在  
焉

先生容兒端正舉動不苟為人剛毅不耽声色貨利趨人  
之急甚於己私才辯敏捷議論竟日終無所屈好飲然  
朱嘗失其儀是以一時王侯貴人尊重之執弟子禮以  
待之久而愈敬之先生自幼所著詩萬有餘篇七慮若  
千卷及疾病悉傳之火使無不遺於是二三子相謀輯  
各嘗所私錄者僅不滿千首將傳于世  
先生先後娶妻六人一無所生絕嗣 并墓誌銘

朱之瑜

字魯煥號舜水明浙江紹興府餘姚縣人也寬  
文五年水戶侯 黃門義公 梅里公 召師事之天和二年四  
月十七日卒于江戶駒籠第年八十三葬于常  
久茲郡大田鄉瑞龍山下梅里公謚曰文恭先  
生

曾祖詔誥贈宋祿大夫祖孔孟誥贈光祿大夫考 正 總督  
漕運軍門誥贈光祿大夫上柱國妣金氏前封安人誥  
贈一品夫人有三子焉徵君其季也生於萬曆二十  
八年 丁丑五年 邦 慶長五年 穎悟夙成九歲喪父哀毀踰札  
及長受業吏部左侍郎朱 永 祐精研六經特通毛詩少抱

經濟之志有識期以公輔擢自南京松江府儒學學  
生舉思貢生考官吳鍾巒貢生劉稱為閩國來第一  
天啓呂降政理廢弛國是日非故絕志於仕進而有高  
踏之風崇禎末蒙徵辟不就弘光元年丁干吾邦又徵  
即授重職其薦出於荆國公方因安而大學士馬士  
革當國徵君不欲累於茲黨故辭不受臺省交章劾  
其僂蹇不奉朝命徵君星夜逃于舟山時清兵渡江  
天下靡然薙髮變服徵君惡之乃浮于海直來我  
邦轉抵交趾復還舟山監國魯王駐蹕舟山文武諸  
臣交薦之豫料其敗上疏固辭凡蒙徵辟始自崇禎  
前後十二皆力辭焉以上安積  
覽撰墓誌

永曆元年威虜侯黃承制授官不就五年諸將不知清  
兵將至之瑜去舟山如安南阻風不能之遂如日本之  
瑜與經畧直浙江兵部左侍郎王翊謀欲出日本兵  
欲言之未可也會翊戰死日本知明清相爭盡出外  
人之瑜歸監國魯王于舟山仍授官不授偶清人擒  
之瑜去將髡之之瑜不可居白刃之下神色不變清  
人乃放巡按直浙御史奉孝廉不受之瑜知內地不  
可為欲借援外國僻處小國如暹羅無不之儒林傳  
監國九年魯王特勅徵之徵君適在交趾奉教款款欲  
往赴之會安南國王檄取流寓識字之人差宦應召  
徵君因王召見逼而使拜徵君長揖不拜君臣大怒

將殺之、徵君毫無沮喪、辨折彌厲、久而感其義烈、反相敬重、墓誌

安南王欲降之、不可知其賢、盡委國之政、知其竟不為用、厚禮遣之、居一年、而請人破舟山、殺永佑、鍾密、之瑜、於是以為明不可復、與其毀冕裂裳、去其髮、事仇讎之清、寧去鄉土、全其節義、萬治二年、之瑜至日本、柳川人安東守約、高之瑜之義、詣長崎、請留之、瑜、長崎

尹許之、林儒  
徵君流落海  
其在長崎外、幾十五年、數至我邦、漂泊交趾、暹羅之間、艱苦萬狀、往而復返、蓋志有為、而事竟無成也、其在長崎、貧不能支、門人安東守約、折俸之半、而養之

寬文五年、我水戶侯梅里公、聞其學植德望、厚禮而聘、徵君慨然赴焉、待以賓師禮、遇甚隆、每引見、談論、依經守義、啓沃備至、教授學者、不絕、雖老而疾、不釋卷、並墓誌

之瑜



梅里公謚曰文恭先生彰其德也親題其墓曰明徵君  
成其志也其在鄉里子男二人大成大成妻葉氏所  
出女高繼室陳氏所出皆先歿君嚴教剛直動必  
呂禮學務適用博而約為文典雅莊重筆翰如流平  
居不妄言笑惟日邗離未復為憾切齒流涕至死不  
衰明室衣冠始終如一魯王敕書奉持隨身未嘗示  
人歿後始出今猶見在凡禮儀大典皆能講究致其  
精詳至於宮室器用之制農圃播殖之業靡不通曉

如其遺文則有集存焉墓誌

大串元善

字子平、號雪蘭、俗稱平五郎、京師人也、本姓平、

氏平野、父五郎兵衛、母佐藤氏、幼鞠子、祖母大串

氏、冒其氏、年十三、事水戶義公為述侍、元祿九年卒、年三

十九、葬豐嶋郡谷中鄉養泉教寺、

幼小聰悟絕倫、過目成誦、年十三抵武江、義公廩祿之使

就懋齋野傳肄業、研覃經義、咀嚼史鑑、孤往獨契、議論

曼出人、意表藻思敏贍、咸謂青出於藍、既長

既長、與修彰考館史書、淹貫密察、多所發明、旁通 皇朝

典故、雖詞意深邃、事實不可捉摸者、考究研覈、能得其

要領、櫛以糶析、歷、如觀目前、至今當史局者、見其所論

著莫不歎其精確長於編削殆列道原揭曼碩之流亞也義公知其能善遇之

屢使京師購求遺書使于長崎與清人張斐接斐稱其才元祿九年鳳山公擢為近侍掌編修事素冠羸多病至是增劇不能視事以十二月十二日終年不滿強仕一歲

矣妻森氏生一女  
嗚呼居士有經濟之具而不見於施為有博合之才而未盡其底蘊  
接人和與溫醇謙遜寡言知子不知皆悅慕之而制行端

方毅然不可奪之操家道轉軻雖得於君而貧病乘除無年無子窮耶通耶並安積子先撰墓碑

伊藤長胤

字元藏仁齋之長子也母緒方氏。齋又號東涯教授京師生于寬文十年庚戌卒於元文元年丙辰年六十七私謚曰紹述先生

先生資稟甚異三四歲能知字長而博學強記最善屬文為世所稱恭儉慎口不言人過終身不仕講學於家剖折經義就問者日衆遠近尊之無他嗜好未嘗手利卷每有所得輒筆之故其昏滿家東閩故人撰制度通序

太宰純

字德夫號春臺俗稱弥右衛門信州飯田人也本  
姓平手氏五世祖政秀仕織田氏為信長傳食祿  
二万石以諫死高祖父汎秀嗣封戰死于三方原  
之役曾大父秀言及信長弒奔播州後落魄于加  
能之間王父言親號雪江仕加賀大夫橫山氏父  
言辰娶太宰謙翁之外孫女為嗣仕飯田侯  
管親昌因冒太宰氏德夫其第三子也以延寶八  
年九月十四日生客授于東都礪川里園號紫芝  
延享四年五月晦日卒年六十八葬于谷中里天  
眼寺

先生幼穎敏年甫八歲空谷君辟口授孝經論語爾後能

自讀書不復受句讀於人

稻垣輝明撰墓誌

十餘歲時已盡海內諸侯世系封邑記號朝士官爵姓名

稍長從中野搗謙先生者而游為性理家之言既而有

疑宋儒論性本然氣質之說由是益博覽古書稍悟宋

儒訓詁微諸六經有不合者松崎君脩撰行狀

先生年十五出仕故出石炭忠德

久之以瘖疾疏乞

骸骨者三不許元祿三年庚辰致為臣而去炭怒錮之乃

如閑病去還東都無何適京師遂如浪卒尼困於五畿

間十年始得解同上

先生西游京畿十年是時物夫子唱復古學于東都滕東壁

縣次公相助修業而次公西歸東壁乃顧夫子之門從

游日多然後傑可與適夫子道者猶未至東壁如嘗已同

先生受書搗謙野先生者服其敏學因思先生數書招

之會錮亦解先生遂東至則見物夫子說其學以為得

所歸乃事夫子與東壁二三子講習古學博文約禮教

尚經典物夫子沒益詳究先王之道孔書子之書子鬱為大

師撰服撰墓碑子近

正德元年辛卯還東都是時生實疾重令為禮曹召

先生先生起應聘五年乙未謝病而去年三十六自是

終身不得仕而退脩六藝古文弟子稍益進行狀

但來先生晚年以教育英才為務不設師道社中皆以文

名相尚而先生獨以方正周旋其間以為徂來禦侮自許寧獲罪於其黨不忍惡言入於耳

先生與徂來講論不合必再三爭辨弗明弗措少年每有過失唯恐先生知之不數日先生書必至隨事規箴社中皆嚴悼先生然退未嘗不服其言也

先生以為先王之道在六經大可以治天下國家小可以修身以礼制心以義制事修身之道斯盡之矣宋儒以窮理為學以心法為教以二帝三王治天下之道合諸釋氏之說欺天下惑後世天下之人詭無知其非六百有餘年雖有六經猶無有也實吾道之大厄也必闢之而後可與入道明千載不傳之學辨百家橫議之惑

使先王之道粲然可行於今世

先生為學夙夜黽俛終食之外未嘗釋卷天下之書無不讀天下之事無不通其義出經傳事涉子史上下數千歲歷如視諸掌者讀其所著可知也今不具論若乃天文律曆算數字學音韻各法象晉之言浮屠巫祝醫方駁雜之說莫不旁通洞究精微其說各必從校訂字繕句畫鈇槩不苟義疑者簽貼理謬者塗抹字訛者改正音韻必和字畫必正先儒未有及先生精密者也其屬文千言立成筆翰如流語不加點大小筆墨刊行著述皆親繕寫遠近書院莫不手答博綜音樂最善橫笛加有巧思嘗截竹造笛數管皆為識者嘉賞其記事仰

取取俯拾如嗜欲若人告之以其所未聞事雖至畀瑱  
必必傾耳聞之詳終始而止秦漢以至元明制度法律  
天朝文獻國朝沿革及其耳目所見聞俗樂里誦公  
卿大夫士廢具存亡過官移宅食貨諸物貴賤輕重五  
方所尚其所以平賈通利之方皆循一言之有序  
先生絕口財利不言家之有無嘗與門人論塩改語天和  
以後至今時塩價不有遺漏因問他物亦各從語其價  
他日亦未聞其言物價也至所經山川城郭指而言之  
不夫尺寸至曰某橋長於某所幾尺短於某所幾尺  
先生稟性剛毅能勤小物進退容止非禮不動處事安謀  
不疾言遽色忘接他事十緒蠟起未嘗差失從先生而

游久者未見其肄業之日起而更衣也

先生接人忠信不貳尊卑以等長幼以序送迎應對嚴如  
石畫久而人益敬之時或賓客膺至日是不食語之諄  
諄不有倦色動作有文不欺暗室人遺之物雖微必改  
容起敬以手加額如其人在前其寢疾服藥必捧之門  
人侍疾者扶持四體雖褻必變困甚犹少拳手作辭謝  
容比設不衰其於貴人交際甚嚴取予不苟中厄於禁  
錮其窮益甚其守益固自如至老未嘗一謁見貴人諸  
侯受業問道者前後數十人非致敬盡禮則未嘗得見  
焉其人有過知無不言改而後止未嘗為權貴少屈也  
諸侯謁粟者今神戶侯忠統故甲斐子侯刑部少

輔經隆、故沼田侯直邦、

三人也已神戶侯初聞

先生之窮而餽粟後、禮節稍衰、先生辭而却之、刑部君早卒而其養不繼、惟沼田侯厚待以禮、終始不改、侯為執政、增封、退朝、即日益餽、侯為政、以尊賢愛民為先、先生悅侯之賢、深感其知、遇侯卒後、如加治中山謁其墓、後嗣侯直純、以國用不足、減所餽、先生因盡辭之、

先生學吹笛於大神景豐、日光王好樂、嘗問景豐曰、弟子孰為善音、景豐對曰、有太宰某者、其人也、王欲召見先生、景豐以告、先生曰、某儒者也、王若命以文學之事、敢不謹述所聞、若奏薄技、以供燕樂、某不能也、如有復我者、吾其破笛、終身不復操音矣、景豐從容為王言之、王

乃止

享保中、朝廷命小野田國光詳定琴曲、國光故與先生善、於是從先生討論李之藻樂書、鴻臚笠間侯正之、

因召先生與同詳定、先生固辭、因陳儒者進退之義、終不受命、後琴曲成進奏、官賞賜國光、及與其事者白金、先生獨不與焉、

上德嘗讀先生所著經濟錄、命侍中八田侯久通江納遠以私求其真本、侯使小林延年來求假本、先生曰、善為我謝曰、予寫本作字潦草、不可以冒公侯之覽、某老僮不復正書而進矣、遂私於延年曰、布衣之士、以言進於朝、義必因執政大臣、若夫因內官以達、則君子不為也、



侍中之需不可應也、其守正不撓、皆如此親故時、以此為先生懼、而先生處之夷然、至接俗人、終日與之語、一言不及黃卷、人不覺其為儒者、而皆畏敬之、雖婦人女子、聞其言、莫不服其為人、也、

先生治家嚴而有法、閨門之內肅如也、妻子僮僕、畏而愛之、遵守其法、不以先生在否為變、蓋其至誠、有以感之、雖在陋室、家人言策之聲、不聞裊外、

先生憂世、發於中心、憂天下之憂、樂天下之樂、聞時政闕失、憂見於色、享保癸丑春、因詔田侯猷所刻古文孝經於朝、及西城於是、諸列相參政、皆請侯求覽、侯並贈一本、其秋、又因侯上封事言災異不報、先生居恒稱漢世

急取士、布衣得信其志、賢良方正、則吾豈敢、直言極諫、則不多讓、人恨<sup>古</sup>於其世、一救蒼生之患、嘗從容謂詔田侯曰、昔者谷一齋當 憲廟時、因稻葉公上封事、秘不傳中、蓋有遷都之事云、事雖不行、為有識者取、先師數稱一齋、一齋雖有志、不得稻葉公、無以自達、其因稻葉公、可謂幸已、今臣幸得生、不諱之、世又蒙君侯下顧、竊有所欲、為蒼生上言、某等微賤、言無由<sup>見</sup>採用、有如其言、僭妄處嚴刑、是臣以身殉天下、萬民之急、人生百年、忽如過客、若死而有少補於民、幸莫大焉、不知果可得、上言乎、侯然其言、而許之、遂有此舉云、先生教人、先之以孝經論語、次之以六經、其論學、大要以

以勉彊為主教以恭敬勤敏慎而寡言博聞彊識務成  
有用之才深患世之學者貪名好勝終身用力文辭以  
涵靡柔悞為風流以放曠無度為高致一代學者翕然  
宗之但來先生之道得先生而大行於宇內後進之士  
不陷為記誦詞章之流者皆先生之力也以上并  
行狀

鷹見正長

俗稱三郎兵衛

字子方參州田原人也其先本石川氏田原侯賜  
姓於兒島比公族也祖父正時父正親子方其次  
子也以元祿庚午八月二十一日生為鷹見定重所  
養因妻其女以其嗣鷹見氏自號爽鳩子仕田原  
侯為大夫亨保乙卯四月十二日卒年四十  
六

子方大夫田原十餘年先是田原侯患貧歲時職貢柳給  
賈橫取於民減其俸而不足殆且不能為因及子方為  
大夫會先侯康雄薨今侯康德立令子方主國計於  
是子方屬群有司會計量入以為出省事節用督羣有

司使各供其職田原侯亦能省後宮之費絕輿馬之好  
專任子方而不貳無何侯家用足不橫取於民不減士  
俸不復仰給商賈而無匱數歲遂至使世人謂田原侯  
富子方之力也

子方少好學無書不讀年近三十見菽徂來先生而聞古  
道烏卒用是立功於其所奉可謂善學者也其所能詩

若文雖人所稱乃其土苴已

并太宰德夫撰  
墓銘原文

子方卒無子以鷹見君晚所生為子名定興

太宰德夫  
撰墓銘

### 鈴木正武

字活翁號青蘭秋本子帥之兄也世仕黑埴侯

食祿二百五十石為火隊長以天和二年十

一月<sup>十一日</sup>生享保九年三月廿六日没年四十三葬城

之西園長松蘭若

先生生有大志八歲能字遍書榜書<sup>署</sup>十一作詩十三通經

書既冠乃歎曰大丈夫以文武生世不講何為龜俛受

受道園子林祭酒學文徂徠夫子傳字佐玄龍和歌迺

清水谷亞相公繫劔是古法心影撫劔水野流槍自梅

田氏射講日置雪荷御學齋藤氏兵傳北越伶人觀世

之所敷園謠幸伶人之因鼓其他因禮飛劔鳥銃梧琴

靡一不究其奧旨於是府公前席群寮會社凡士卒所  
慕賴亡論幾百人遐迩靡然嚮風害地遑指計耶顧千  
百年兼綜文武於東方非伊人而何居比壯逃禪謁天  
桂佛項二公厥志以吾儒所不知也秋本子帥  
撰碣銘  
吾兄弟三人李贄他吾離居為父嗣趨庭者惟公一人也  
其為人才高氣雄能孝能悌但顧古之英雄皆文武  
豐自勵黽俛不錯凡人之有技靡一不推其具體故百  
技藝何不達之有秋本子帥祭音  
蘭先生文  
病且死賦絕命詞曰遊武毅文四十年世人幾作臧否譏  
如今掉首依然去得失是非總又非誦罷而絕初娶掘  
江氏生三女遂贄母黨為嗣碣銘

秋本以正

字子帥號古毛山人俗稱喜內那須黑埴人也

子師為人沉嘿寡言不喜劇談以故父兄長老率未免阿  
蒙視之雖以予之窮交居恒未知其何所學而何所至  
今得觀其所著澹園稿者乃知其所學所至皆古而其  
成章者一句一字未始不古也

子師昔與滕東壁友東壁其同鄉之先進也而子帥未嘗  
推服東壁東壁亦未及深知子帥而歿近聞子帥從游  
日衆而未聞有一人為之羽翼者則其文辭之美孰得

而稱之所謂君子不黨者子卽有焉  
子帥從徂來先生學古文辭工歌詩并大宰德夫謚圖初稿序

惟良

字溫卿服子遷之長子也母井出氏延享戊辰  
三月廿九日没年三十八葬萬松山白菴雲後圃  
溫卿自幼羸弱不肯婚宦安父母家靜然無私營其死  
也偃然寢室無病而終父子迂撰壘誌

惟恭

字愿卿惟良同母弟年十七元文五年庚申三  
月罹痘患乃以十一日大葬東海寺少林院後  
山

愿卿自幼無他弄好常從側觀父所業八九歲未就教  
習即已自取簡冊讀之一讀不忘從此常默有所讀

父奇之、故不自授章句、從其所為、以視好尚、稍長志  
尚益奇、默讀益多、而口未嘗言、所通父亦未始問其  
所涉何書、時試討論、或俾助考索、以視其所至、至十  
四五歲、既自經史暨諸雜家、通涉殆遍、未幾、所與交  
俊傑之士、自父行、多就正焉、繇此、業愈相益進、同上

王蘭

字蘊香、柿川侯臣立花氏之女也、歸于國、老矣  
島子家

蘊香父、號道印、食采中山、以公族通家于國

蘊香自幼不深麗靡脂粉之習、超然抗志于流俗之外、

言無所受、自<sup>書</sup>獨讀、知有唐詩、竭思得斯、

頃會圓海上人、上人乃為蘊香出斯集、示余、余受而披

之、則題曰中山詩稿、蓋自選也、并服部子遷  
中山詩稿序

山縣孝孺

字次公、俗稱少助、周南海北邑人、因孺周南仕

長門侯 為祭酒、年六十六、寶曆二年壬

申卒、葬國城北古菽里保福寺

考良齋君、諱長白、嘗以邑人、事長門公、族海北君、初長門

先侯青雲公 為海北君嗣子、良齋君以師儒

侍焉、及公、繼封長門侯、從升公朝、移入菽府、時以碩

儒在公左右、如切、有三男、長文興君、早卒、先生以次

子、繼考業、天性穎悟、年甫齡、受句讀、輒誦如流、稍長

通四子五經大義

良齋君課子弟、學頗嚴、常戒讀書樓上、無故不得下、先

生強力專精、日夜在樓、手不釋卷、於是四部群籍、百家雜說、涉覽之功殆遍、

年十九東遊、師事物夫子、夫子以修古為本、經義文章、皆由是出、時方始唱、和者蓋寡、獨有滕東壁從焉、先生至、則大說其學、與東壁相視、切齋、夫子亦自稱得其人、爾後物家之學、日以從者益盛、遂至海內靡然、鄉風、吾黨至今、以二子羽翼、傳為祢首、居東三年、業成而歸、

正德三年

韓使來聘、雖冉于赤

馬關藩奉教、鄉食賓命、先考、子諸文學俱出、接學士生與焉、先生年尚少、而與韓、讀書記應酬敏捷、文章

雋逸、韓人大賞異之、對州兩伯、陽亦擯客座次、交歡先生、日以海西、无双、韓三使、睹先生所作、至因伯陽格外請見先生、詳見問、榘、畸、賞及先生集中、於是聲名籍籍、著聞海內、是後侍侯及東、侍世子讀侯朝、觀則從東、就因則從西、侯不欲先生離其側、

享保十三年、良齋君卒、先生居喪極哀、是歲亦當從東、時喪期既闋、然至哀之情不能已、乞假、願竟志一年、不許、強起、從焉、歷仕、泰桓公、觀光、仁、間年西東、蓋多歲矣、寵待益隆、

先是先侯

命創建泮宮、使國人子弟游處、設師導

廩、諸生、釋米、養老之禮、以時、大聚群書、且六藝、武技、



諸當教習者，未備其中，事皆稽古，據式雜以今制，乃既巍然中國而成，名曰明倫館。先生先已為侯獎，頃其事與議其制，於是崇化厲賢之道大行矣。

元文二年，館祭酒倉尚齋卒，先生代督館事，乃不復東。既為祭酒，益立學規訓，厲有方，育英之效，日月益進。講誦習禮，弦歌之音不斷。若山子濯田望之、津士雅倉彥平、滕子萇、田子恭、仲子路、魯子泉、林義卿、瀧彌八縣、魯彥、秦負父、彬、輩出，咸潤色先生業，以學顯於世。其餘士大夫，不必專學職而傑然成才知名者，不可勝計。長門好學之俗，雖其天性，蓋先生教化之力，亦居多云。

先生為人愷悌易事，其教喻也，道而弗牽，閑而弗達，循循誘掖，使其自己，以故生徒樂群親師，遂致濟、之盛。

先生博聞之餘，歷練時事，其執經陪侯講筵，或侍問燕，啓沃諷諭，陰盡匡濟之益，或與大夫有司出謀發慮，忠告裨益，臨斷大義，則據獨見之明，侃侃不可奪焉。人盡敬服。

先生溫厚，不以所長加人，毫無忌克。遊驩之際，胸襟恢宏，賞會言笑，怡如也。皆無不推尚其為長者者。先生兼精國史譜學，吾邦典故諸家，閱皆能明辨。嘗奉侯命，選公室譜牒諸臣系譜，他所著行于世者。

有文集為學初問作文初問若干卷、

延享二年得病經歲不已允在禱八年自國相憂之者百方求治不驗以寶曆二年八月十二日終、

初配松村氏生恭恒元恒卒再娶長嶺氏生允升卒又

娶小野氏生子大、小野氏卒最後娶綿貫氏生政恒

忠恒長恒字之恒嗣餘皆出繼他族、花服部子  
近撰墓誌

聞今次公學大字于上下日橫經君大夫所畧弗違給

而國中諸子弟來受業者屢恒盈戶值其亡不月還

以埃則縣先生為之口授句逗曰吾其代孝孺勞哉

以次公之從侯述賤東西無虛歲而縣氏之徒比它

博士淹國者独盛以此物茂卿縣先生八十序

正德元年韓來聘維舟于赤馬関藩奉教饗賓命先

考分諸文學俱出接彼學士李東郭洪鏡湖嚴龍湖

南泛雙等筆語唱酬大觀國光語見于正德唱和集

問榘崎賞等諸學士大稱其才不置馬島兩伯陽目

以海西無双三使者見先考諸作嘆曰不謂南方生

才如此也豈可不一見此人面乎乃請延見凡韓客

之來諸侯臣雖大夫亦不得輒見其使臣蓋殊遇云

及見賓指益梅求詩以梅開杯為韵其詩一揮而成

賓賞嗟不已至東都尚犹口之於是先考名益噪

於海內、

享保二年奉命至東都邸侍候講讀明年夏侯就國從

侍左右如東都、是時候有意具學宮、先考將順其議、  
且德更國相諸大夫、四年遂命儒臣佐源六及先考  
審議學宮制、乃據延喜式考中華歷朝制、參以東都  
學式、新敕類宮、具釋菜養考之禮、及學成命曰明倫  
館、集師儒、廩諸生、大聚典籍六藝、及鈐鞞、劍槍諸科  
各立其師、使國中子弟日遊、巡焉、春秋釋菜、侯自  
臨行、養考乞言之禮、於是風化大行、文學之隆、婉美  
西都、益先考之力居多云、  
龍弥八代縣伯恒選行狀

澤村維顯

字伯揚、琴所其先、賀人出自平氏、平内左  
左衛門家長之裔、世仕彦根侯、耕伊掃貞享三  
年丙寅三月五日生、元文己未正月九日卒、年  
五十四、葬于江州高宮村德勝寺、

高祖全道諱某、始仕祥壽公、并伊兵部大関原之役、全

道有功、神祖召見、賜以佩刀、黃金、罷役、增祿至千  
石、曾大父之清時、復增祿至二千石、以中大夫將留  
守隊、大父之辰、襲祿、亦为中大夫、自是子孫世襲祿  
爵、之辰生二子、長曰之省、嗣家、少曰之章、別号廓山  
此為先生父、以餘子仕長壽公、  
食祿三百石娶

井上氏生四男先生其長子也元祿己卯年甫十四  
以倅出長壽公為暫御臣賜廩如例翌年從例祇役  
東都侍光照公在藩邸三年壬午冬罹心疾乞告歸  
家於是絕意仕宦慨然立志閉戶讀各居數年疾亦  
已其業遂得以成云廓山以其次子之登為嗣之登  
後將步卒隊增祿百石尋又增五十石通前四百五  
十石進列下大夫別廩米三百石今致仕在家號了  
翁無子養內藤氏名之秀為嗣

先生少時為宋儒之學數年既而西遊平安受業於東  
涯伊藤氏之門於是悟宋儒之學之非古也棄曰學  
治伊藤氏之業晚得物子書而讀之乃始知其業卓

越千古也於是幡然循物子教愈益讀古書以求古  
義從遊者頗眾其學特主經濟其言曰學也者將致  
之用學而不致之用何以學為丈夫生世遇不遇命  
也仁以為己任豈以出處二其心乎哉嘗著桓公問  
對富強錄以論吾藩之改革當時之急務號稱破的  
自吾藩初建也五十年于茲矣先生出焉而士大夫  
始誦說詩各講明古道戰國之習稍得以祛焉先  
生之功可謂偉矣

先生晚節卜居於城南松寺村号松雨亭聚徒教授烏  
環堵蕭然足蔽風日而已家無儋石之儲晏如也先  
生天資溫恭長不及中人狀貞如婦人女子然其

臨事也、勇烈果敢人往、怪其與平素絕不相類、  
先生不娶、妾芝田氏、生三男二女、男皆為僧、仲子俊政、  
後逃釋氏、更名祐時、遊宦平安、長女配了翁之嗣之、  
秀、早卒、少女許聘前島當完之子某、所著有琴所稿、  
刪又善和歌、有閑窓集、嘗著井家新書、吾藩譜、謀政、  
蹟歷、可考、其餘尚多、所著書題及平日規行詳于、  
行狀、以上彦根野公臺子賤著墓誌銘、

著述  
八津本

湯淺元禎

字之祥、號常山、俗稱新兵衛、備前國山人、世仕  
本藩、天明元年二月九日卒、葬于城東義冢山、

先生諱元禎、字之祥、家樓南望常山、取以名樓、世遂號  
曰常山先生云、其先播陽人、遠祖新兵衛某、始仕赤  
松氏、赤松則村奉 帝詔討北條、屢有戰功、遂世臣  
之、七世祖大和守紹于、以播陽侯赤松政秀之同母  
弟、出後於湯淺氏、紹于子佐渡守某、佐渡君子七郎  
兵衛某、防鄰寇於青山、死於其難、兵衛君子半右衛  
門宗白、世相播陽、慶長中赤松氏國除、養志、家居國  
清侯池田輝封於播、遣使聘焉、遂臣於我烈公、遂蓋加

禮遇後乞骸骨使長子某襲父祿別給若干頃田優  
待老後宗白沒以其田賜李子心俊以行人滕一條  
夫人於西京晚致仕歸卒於固山有二男子長某出  
後於從父次英俊字子傑襲父秩三百石累進為執  
法加秩百石奉職清白以能稱焉告老家居卒娶龐  
氏生先生子傑亦志學之士誨諸膝下皆有規則龐  
孺人亦善贊助十數歲誦野史若保平二語盛衰大  
平諸記皆能背誦長稍讀伊物二子各疑宋儒註  
經非聖人真面目也會田記曹子漢好學古長先生  
十數歲先生兄事之同志切磋初烈公置泮宮訓國  
子弟當時所行惟朱王之學取以造士而泮宮學士

不達其旨奉之為國是學非洛閩唾以為異端邪說  
子漢始唱古學於藩先生和之國中翕然挹其流芳  
是以泮宮學士側目仇視視謗言漸至先生不屑先生  
節儉寡欲行義甚修無短可索謗言尋寢享保辛亥  
子傑致仕先生襲秩四百石為教衛武騎明年役於  
東都修弟子禮事南郭服先子迂子迂屢稱其詩先生  
於古文辭從此益進後八年為火器校尉寬延己巳  
復役於東都執謁之宰德夫與其弟子松崎君修相  
得而驩時君修年纔弱冠少於先生二十歲嘆異其  
才深結忘年之交又與余先人情好甚親吏事  
會閑必置酒要之酒半酣出所著文若詩交指摘疵

瑕豪不相過意、艾拊太酷矣、余先人謂曰、君藝林公  
孫鞅也、又與高翼之、宮子亮、徒友善、先生與字子迪  
初未相識、晚以度支東來、介於余、始相見、謀不朽乎  
服氏遺契、未果得、罪西歸、已而附訓譯、屢促諸子迪  
會子迪死、不竣其志矣、庚午之春、九龜民結黨、嘯聚  
邊疆、擾。烏先生奉藩命、使於九龜、九龜戾述職在  
東、邸致命於留守大夫曰、同惡相惡、在鄰之誼也、間  
君有警、敢不使微臣帥敝賦、扞於一邊也、黨衆已而  
散、歸路風急浪猛、舟中懼服、無敢仰者、先生神情方  
王朗、哦一絕曰、南溟奉命使臣、槎直破長風、万里波  
勿、值从濤似奔馬、起堤雄劍叱鼉、鼉須曳風復浪平、

舟中始安、烏人服其沈勇、是歲為教衛副帥、居四年  
役於東、邸與向者己己役、皆領謁者事、職係擯贊、以  
誤辭命、動輒得罪、先生容儀不攝、望之若率、然而二  
周歲視事、無失誤、歸藩之五年、迂為祠曹、職田一百  
石、班從下大夫、歲首朝駕、執劍馬、藩士采烏、從神  
袒原廟、山川之祀、至廟宮、巫覡僧侶、道士之改、咸決  
其平、職事煩劇、斷獄量以石、兒島郡林縣有十二祠、  
廟官及道士僧徒、奉烏、以道各不同也、爭訟常起、其  
祠主祭役、天師子孫、五道士、守其其祖業、主其祭祀、  
道士中衰、權在廟官、道士僧侶、交訟不已、曰祠曹更  
四五人、不能斷、及先生為祠曹、廟官道士來訟、之斷

先生引之坐、徐語之曰、吾新為職、事執掌未暇、  
尚曲直、顧卿等以世奉祠、受湯沐田、若干頃、其於祠  
社稷之臣也、以私怨相含、有事於祠、不與、裸將廢祀、  
慢神、罪莫大焉、吾將先問之、罪無作神、羞廟官等懼、  
且相責曰、我等小人、不知大義、敢履君子之庭乎、  
與道士僧侶皆為成誓曰、自今而後、事祠如一、國中  
望風感服、訟獄不禁、自止、黜誘訟者、井上丹後、丹後  
遂無然心言、初烈公好學、排佛、本朝嚴禁天生教、民  
無土僧微言者、不得上版圖、公請以廟官代焉、以故  
衆廟官皆富衣食、僧院日廢焉、原公好禪、修廢寺、  
復旧俗、復以僧代焉、廟官日窮、衣冠皆不完、至元日

拜賀多、稱病不朝也、先生為祠曹、出官府財賤貸焉、  
明年元日、廟官朝賀者、十倍於前年、人多便之、居二  
年、保公命使壽公於東邸、時保公老於西城、先生  
奉命比出城門、從者辨嚴、執羈紲而後、先生騎其鞍  
馬、直登、不復歸裝、其從事之速如此、嘗謂余曰、異國  
公大阪役、先命宮騎將赴其事、出控德、騎將臨登、  
檄其麾下、與俱者唯二士而已、一則石器之祖也、餘  
多追及於途中矣、距闕原役、總十有五年、武夫習於  
恬嬉、不預不虞、若斯、今升平二百年、武之陵遲極矣、  
吾願緩急將速、從事也、今其奉使如平素言、後二年、  
壽公賞其有勞於祠曹、加秩百石、併原秩、取田、食采



六百石。朕田之入，區別藏之，每過一月，費一月之入。曰：吾不敏，從政一日，得罪。朕田之入，不待明而完上。也。明年為都少尹，曰：少尹時，一富商有罪，家財沒入官財，幾巨萬。曰：少尹憚人，謀未速收之。先生為少尹，命速收之。曰：所殖木，士民之膏澤，豈可入於官府乎？宜散賑寒士，窮民也。少尹府中之金錢，賑貸於士民。昉於先生矣。問：鰥寡、孤、獨、殘疾者，歲給米錢，又取債券於少尹之府，盡燒之。都中祿萬歲，都下高戶歲入財帛於少尹，先生却之，不受。高戶皆乞曰：一民所費，實是瑣屑，今尹德澤溼於下，雖倍輸乎，未足以謝。萬一也不，祇平下而報乎？願有納也。先生不敢拒，為受歸。

諸少尹之府，禦救民之粟，其廉潔比類。先生不樂少尹。朕曰：祠曹之改，所係重焉。黃微廟官藤内氏者，源將軍時，位列子男，子孫奉至今。又屬其指揮士大夫榮焉。若夫少尹改猥碎無所不至，獄皆貪鄙紛紜之事，縱令曲直得道，非志士之為也。屢稱病乞解，朕執改不許。公又慰之，概養奉朕，尋乞不已。終稱病篤，居朕五年而免，命為散官。班尚從下大夫。明年起為度支尚書、中軍司馬、兵馬錢穀之改，咸出其府慨然以謂：進歲有司多自私焉，勿忘君事，擇屬媚佞士，民窮乏，倉廩稍以空，桴鼓一起，軍國之用，何以供之？自奮有救窮之克，倉庫復烈公之旧之志也。其年以朕往。

東都留邸二暮月、彈劾不已、廉正責戚、歷詆宮吏、畧  
無雉色、公嘉納其說、長吏掾屬、緣是得罪、明年免黜  
而歸、杜門家居、恬無愠色、曰、吾於國家、盡言無慙、於  
臣賊矣、其不遂、志命也、復孰之怨、杜門修業、於斯文  
進一步、不亦天之寵靈乎、喜李王文著述最多、其賦  
詩作文、一句不苟、至得一聯數年、或不成一篇也、其  
作喜雄大、誦他人詩詞、頗靡麗、体屬寒乞、擲不卒業  
得奇、各手謄写、晚年積成千餘卷、矜過耳、頃強力不  
衰、夙具誦誦、倦則道遶園中、入復講習、至鷄鳴則寢  
常以事不豫、則不立為務、曰、一年之計、在元日一日  
之計、在平明、善哉、熊大夫之言、曰、我俗謂國政、為置

宿為之謂也、故趨公私之急、未嘗見狼狽色、先生壯  
歲喪父、哀毀過禮、國家制為父母服、十有三月、而  
五十日之<sup>後</sup>、若心喪然、先生良以為禩、三年不脫、每旦  
往拜其墓、慟哭而歸、二十五月而止、喪母亦若斯、值  
其忌日、必薦所嗜者、告以生日之<sup>語</sup>、哭泣失声而已、為  
長吏待掾屬、及接故旧、莊敬有礼、方食吐哺、引之、去  
官數年、人尚思不忘、而性嚴、不能容人、過朋友弟子  
一有過失、極言切責、從學之徒、不能堪焉、亦以之得  
毀於國也、余性遲緩、亦以於事、當失機會、見規、遇婢  
僕、患至病、且老、不可駈役、則廬於園中、而衣食之、近  
世買奴婢、一春、妹為限、張家奴、明年多在李家、湯家

及子誠襲父祿東行皆父時馬卒人皆嘆賞其仁厚  
嘗曰為主為奴命也不幸為人奴主而苟賤之子頗  
善書畫國風長於武事也於孫吳兵法最密鎗劍之  
技極其奧妙謂文武固不可偏廢吾且累世材宮武  
可忽乎哉初襲父祿家最窮乏債數十萬錢奉室貨  
器言盡賣償之餘債尚巨萬先生乃以秩之半供父母  
之養奉半送財主者數年儉節日勤夏寒不燠晚食  
當肉債盡償之後尚布衣蔬食比及十年兵馬之設  
備焉又善相劍而惡華其飾視朝服出勃窣然如無  
威儀非公事未嘗往卿大夫值公室不利犯顏華焉  
一日詔赤松大業曰吾近讀板倉公重宗譜公尹京

之日自誓神曰吾居恆思汝公平吾汝苟有私明神  
殛吾勿容元禎曾為祠曹亦有此盟公私与元禎默  
契不亦奇乎保公壽公皆崇其博該時召見尚書諄  
諄言皆有經紀也廢錮之後圖畚自將無復他求曰  
天假十稔終之所業於我足矣安永之季年子誠以  
火器校尉東役比年患腫至冬漸篤日狀其病書寄  
子誠讀其沒前七日畚平氣勃然慷慨溢簡使人悽  
然泣下不禁

先生娶於生駒氏故度支邦照之女奉子男女四人一  
男一女先天女滿未嫁男明善按俗稱新兵衛則子誠也襲  
其秩四百石先生沒之前三年從教衛武騎為火器

校尉先生所著有備藩典刑常山樓筆餘常山紀談  
雨夜燈東行筆記西歸筆錄是其見行者餘藏於家  
及未脫稿者尚多其文若詩數百十言校未卒業云  
四明井潛撰行狀

池大雅

住祇園葛原

名無名始名勤稱貸成号大雅堂京師人以善  
画聞享保 癸卯五月四日生安永 丙  
申四月十三日歿年五十四葬于船岡之南淨  
光寺

余嘗知貸成為人蕭散不以寵辱驚心善與物和而不  
苟合紆志外疎放而內實修檢與人交謙損而不阿  
簡於礼法當往不往當答不答而顧諾義未嘗<sup>有</sup>失  
禿人之志極人之困惠而弗望廉而弗劇其於取予  
得失恬然如也平生行事多出於人<sup>之</sup>濟不意於是有  
畸人之目焉貸成生于平安幼而穎異學文學各無

不能而独長於繪事圖山水尤妙好遊名嶽足橋健  
高峻幽奧無不度極即取以為毫端趣數登富士而  
每異其路因作富士圖十數幅各變形狀皆其所經  
覽在昔畫工所未及也

貸成名無名始名勤世皆以大雅堂稱之妻王蘭姓德  
山閑靖不飾能配夫之行亦能畫有無子家絕辨大  
池貸成墓碣銘

世之能畫者率不能書此所以與華畫相逕庭而生独  
不然亦出於其氣象自然已大典著他貸成瘞吞誌

### 大島芙蓉

名孟彪字孺皮俗梅逸記或号藍荷道人甲斐高梨人樵穴戶侯松平大

聘以善篆刻聞天明四年甲辰四月廿四日卒  
年六十三葬于小石川無量院

其先為上毛新田氏之族有故數易姓名而芙蓉之稱  
始終不更海內莫不識而稱以芙蓉為為人敏亮有  
才嘗從坊城管公習典故朝儀之學尤耽雅好愛書  
画凡石室金匱之秘名蹟碑記之類旁搜而委究博  
聞強記蓋無比也以故風流人士慕而歸之資其聞  
識利其鑿定其名價藉以海內云至於篆刻之妙絕  
于古今固不待論海內皆競乞而珍焉

王父某仕水戶義公司庫藏坐事免職去而居甲之高  
梨父充軒業德本氏之醫生不好醫弱冠遊京師遂  
至成名天明癸卯兵戶侯聞生名而聘之乃水戶分  
封也生適感祖先所由而忘之甲辰三月挈妻子來  
江戶俄罹疾哉就藩邸數日而歿

妻奧田氏一女年十三一男之吾甫六歲此其築之  
知也釋大典著芙蓉生墓碣銘

田坂長溫

字子恭本姓竹中出繼田坂氏長門侯之臣

三十九墓

川

島善福寺

君幼好學受業東陽津田先生後遊周南先生門其學  
益進最長於詩句論古詩選体至唐明諸家無不品  
騭諷誦者及其情与境會奇思晬々累篇立成所著  
瀨山集三卷行于世矣君為人恭儉沈敏有幹事才  
初自書院郎選為公近侍病免後將署右職以病不  
就善處於世其与俗子接言未嘗及文藝人或叩之  
擬議摸餽如饋々者故人不知其有才學也又善賞

鑿刀斂古董無所適其品目而非不得已則未嘗為  
人矣一識也其韜光如此天賦<sub>之</sub>弱屢罹奇疾病肺  
數年終不起矣君臨終手書絕命辭曰天生斯人  
不假其壽是邪非邪我何有瀧弥八著碑陰文  
君元配父芳氏先卒迷配桂氏生一男嗣家同上

曾雲門

諱原字子泉花名內記號雲門周防州向田邑  
人也講授京師  
九月廿九日

卒于東都年四十六葬于深川養心寺

本姓益田父曰五郎兵藩大夫益田氏廢族而世  
為其室老其友有增野者蓋君流寓之時變名姓去  
增之立為曾氏自少好學彊記師周南先生既原國  
學精敏博覽一時為諸生之冠矣藩醫師重見氏諸  
養為子學業於京師君益修經術文章而不屑奇眩  
經脈之術也請運矣藩不聽焉遂乃辭假父歸本族  
竟客居京師下惟講授盛唱但徠先生之學生徒益

益進鬱字為儒林翹楚於是自諸王公卿至畿內侯  
伯諸大夫相延為賓師名聲藉々四方矣君雅欲遊  
君所著文集若干卷行于世矣配江表根某氏有男二  
皆幼龍弥八著墓碑

水野元朗

字明卿號華陰俗稱大膳仕于大泉侯

為大夫寬延元年戊辰七月九日卒于大泉州

內年五十六葬于國東光寺

君以巨室居大夫職有年忠直無私所奉有司無不稱  
職或以其多取曰故諺為黨君曰才不才唯君在且  
孔子不云乎舉爾所知苟有所知寧肯為人言枉公  
家之利乎毀譽無經意必以其道

羽州田所漑皆仰最上河流大泉疆場多縣官治吏擾  
不恤國邑河溢大泉年甚有司畏吏不敢白君乃故  
至東都圖利害典農司遂以聞政府乃得請築隄國



免水患

貧民多不舉子設禁數嚴不止君患其俗弊令給貧民  
乳者食一口五年不問男女民喜生育永絕其弊

大泉曰俗古稱淳謹治世相承民稍懈怠至君率勵為  
政亦皆復旧人從事勤無敢惰者初君臨政民多為  
謗至以惡聲聳動及其成謚如君既多施善政富庶

益殖年穀連熟君復令所在設義倉以備凶歲  
君好學悅但來先生業初既遠投贄受之後從春臺先

生學焉業益進

君少及先大夫事之竭其孝與人忠告最愛人為善如  
自己出或見懷詐者避之如仇加以好學諄諄倡之

為學者厚給助之以故士民興學絃誦之声相聞稱  
為方盛公家任得其人寵待優異外自僚友內至家  
僕莫不畏其威而懷其惠者壹以誠信謹嚴立其守  
恒誦法言以勅子弟

病既革困劇所言犹經義与公嫌而已好雅樂臨卒令  
小子金剛奏臨河欣然就終

元配芳賀氏生其嗣文強名邦香次配松平氏生少子  
金剛有女天并服部元喬撰墓誌

岡田宣汎

字彦愛号兼山本水戸中澤子來繼岡田宣紀  
家岡田氏其播明石人本今井氏後從所仕侯

、豐小倉水府推恩侯刑部公、取于小倉時王  
父宣門、媵夫人于東都、遂臣于刑部公、更族固  
田、及嗣侯大學頭魚賴、受封守山、父宣紀、以世臣之  
重、加祿為大夫、卒、因宣、汎襲職、祿為大夫、年六  
十三、寬延三年、庚午十一月十七日卒、葬于東  
都小石川常泉院、

君幼在中澤家、所生酒井氏賢、而知學、常親授君經、以  
故、長好學、從安澹泊遊藝、彰考館、後來東都、久之會  
藩世子重物氏業、聘平子和於、是又交歡物氏、學益  
進、以經術助其治、稱良大夫、

先侯莊公時、君繼列下大夫、近傳世子、又為上大夫、為

人剛健、敢直言、勤敏於事、俄中口語、廢銅常松山數年、

莊公老焉、今侯

大學頭名賴

承封、方修廢政、欲得其人、而任

之且、深懷輔導之旧、驛而召君、至則延見別室、侯朝  
服危坐而待、乃勞曰、子幸無恙、是天佑我也、不穀不  
逮、臨茲社稷、子將何以輔我、上大夫事、願一在子、君  
辭三、侯敦喻益切、不得辭、然後明日命于朝、復旧職、  
見莊公、公曰、往事寡人過矣、大夫勉旃、幸輔嗣君、於  
是藩事內外、皆總於君、

君政頗尚猛、曰、子產之言可用、然仁出忠誠、字子上下、  
奉藩宅心、時方荐災、藩用匱乏、士民告困、侯既憂之、  
君幹才善謀、乃制入出利、給贍五年、政成、侯悅、加祿

績既乃君曰吾責畢乞致政不許今春得病猶力事  
不懈數乞辭職不許至冬病漸篤侯深為憂日使人  
賜物問疾君復乞再三侯不得已聽之使子宜民繼  
祿給君優養

君川髮自稱遊軒乃照鑑笑曰浮世志畢矣時病既革  
乃見親戚僚友告訣遺戒然後謝遣杜孺人二子在  
枕足賦詩詠歌晏然而逝

孺人今井氏生男宜民字于天次知周字道濟出繼同  
藩師周氏女六其一適小倉臣黑部某餘天并服部子  
過撰墓誌

○宜汎公直而有經濟之才初與同僚用事者不協恐譖  
而隱公亦稍知其狀後用事者罷於是再命復職云

服部子過撰守山  
莊公世家略

中根元珪

字

稱丈右衛門姓平平安人也

元珪者一藝之士也善歷蓋學校時而精焉者然亦惡固也盡取史所志漢以來數十家歷推而步之其於故無不盡心焉耳矣嘗謂前授時而有統天守敬之所為創彼先得之世之執一者獨歸美授時寬哉今負享歷行于世而其法藏日官元珪乃自思而得之後獲其書驗之皆合亦能<sup>言</sup>其<sup>言</sup>紕繆可不謂精乎迺昔作皇和通歷問序于予<sup>二</sup>聞<sup>聞</sup>之吾所用元嘉儀鳳大衍宣明人能言

之至於其得五紀之年則自元珪葬之元嘉之前沛諸人皇之初乃立三法以括之又作為諸捷法附末元珪之歷可謂左右逢其原者已

元珪又有巧思嘗創其心變古渾儀設機施輪一旋一日須臾而三百五十四旋一歲之日躔月離黃赤道之所交弦晦盈食之狀按日可驗二十四節有鐘自鳴人莫不嘖、驚異亦其緒餘云、

元珪隱銀宮而微其不以比而自廢能通一藝卓然名其家以上物茂御著中根元珪皇和通鑑序

西鄉述房

俗稱賴母、與州人也仕會津侯上大夫元祿十六年癸未三月二十五日庚午卒年六十七葬于院內山建祠于蠶養神之傍扁曰護忠

其初時其先人有元房者、號右近參州二連木源氏族方

丹波守康長平松食封松本城也以其為兄弟行從而仕焉遂為諸侯之臣未幾丹波守移封明石則自信適播為播州人也其子房茂號新兵衛廼護忠君之父也娶會津公族大夫正近女以寬永十四年丁丑九月二十八日乙酉生君於明石城小名吉十郎三歲而明石侯移封加納城則自播適濃為濃州人也會外王父正近

之子正長無嗣請君為嗣遂冒姓保科自濃來真始  
為興州人也居三年正長卒而襲其祿號賴母時年十  
有三尚如無知迺植先中將神侯正折節布衣士若閻  
齋先生者盛講聖人之道君悅而學之攷見之行事  
醇如也

初正長有遺腹子曰正具比及成童君慨然請以其父之  
祿讓之已則復姓西鄉神侯義之如其所請特賜祿五  
百石擢為親隊長於是乎會津大夫有西鄉氏也

君歷侍從侯正以及今中將侯正奉職惟謹今中將侯襲  
封日尚富春秋而君輔導之勲益非淺也云以故位祿  
益崇迨乎貞享元年五月增祿至二千五百石進位羣

### 大夫之上

按狀君為人簡重寡言笑沈毅而善斷見貴弗屈聞過能  
改和順內積威望外著是以國人畏而懷之性好典籍  
夙具造朝乎不釋卷暇則討論無力時一矣雜師儒莫  
能折是以居官能理寵愈盛而弗驕祿愈厚而弗肆是  
以沒世不失其名譽如狀所言誠君子人也

元祿十四年四月致仕營城東地居之今侯親昏論謝慰  
勞具至每有大政事必就咨之歲時賜賚聞弗絕至  
時或命駕訪疾禮待弗少衰

君嘗娶沼澤吉通女生六子長女適邦大夫井深重隆次  
男近方號源藏嗣為邦大夫迺今賴母君之父也次男

近宜祿三百石次女適酒井良形次女適注長隆次女  
適丸山次生護忠君之歿也源藏君問墓儒生問祭神  
士皆盡其禮國人稱孝焉物茂卿撰墓碑

國有本

姓源号桃花

生而三歲始寫月字四歲從師于佐玄龍習十字文至  
于六歲終其功遂改書全文玄龍加筆命序四歲五  
歲辱拜我先人之故大君命書大字薩前太守又辱  
召見渥蒙庭實七歲謁黃檗木禪師褒賞不貲賜五  
偈加工如不息又至王義之上二句畧共有三法嗣之和其餘列族名  
公多招致嘉尚十一歲又拜薩後太守命鴻儒耕齋  
以詩揄揚指織管巨恐雜竿鳳舞翔風雨餘其後  
十八歲筮仕于藤羽林之家被命從林夫子之門三  
年之後退熟徧叩他方孫友視志二十有六振衣而

大六年、轉斬幸賴、輪王之洪恩、死灰復然、螢火重  
生、既而三十有二、再遇源京兆、旌招密迹、御筵近  
侍、經講、賜數、饗爾後、罹微恙、辭祿、今己五年、花  
撰擬、顧命、所謂擬顧命、叙母遺命也

長坂黑肱

字瞽人、稱平介、居東都圓山、因自號圓陵子、寶曆  
庚辰七月卒、葬于牛門寶泉寺、年二十四

父平六、君辰春、為高崎世大夫、母齊藤氏、七世祖宗成者、  
仕鳥居鱗崎侯、戰于伏見之役、宗成生宗勝、  
宗勝生宗長、及高寄、分宗  
辰、仕今吉田侯、國于濱松時、生宗長及高寄、分宗  
長、以附臣、求為大夫、是為平六君父

瞽人少聰明、九歲、以父仕入、為童子郎、及長、出掌謁、好學  
博涉羣書、且有才、善著述、詩及文、既已具體矣、從一時  
名賢石仲綠、井子羽、輩游、皆得駿足之稱矣、他技至如  
槍、劍、弓、馬、類、亦況習焉、而專潛心學術、謂何非邦家之



備而独至役人之術非字不可餘皆未免見役於人者  
已但見人之有攻一技者輒喜若已攻之曰如此於收功  
名乎何有其獎人者恒如此頗有大志嘗因事闲居月  
餘慨然曰使我以此沒身乎旨史腐令所為吾豈辭之  
哉唯恐不終耳為人高潔通淹捷辨善談以故其及來  
納交於吾黨諸江、、、、慕之不置每期會燕督人在  
不樂而至則皆喜曰何遲也并餘承裕著督人碑銘

野村正明

号澹齋其先三河人祖正次仕彦根大夫菴原氏因  
為彦根人元文 己未五月廿五日卒塋于野田

山、

有野邨定眼者是為君曾祖定眼生正次正次少從同族  
鈴木某居三河有四方之志鬱、不樂乃去游歷諸侯  
一無所遇流落關西數年大坂兵起會患脚疾不得仕  
諸侯從軍豐臣氏滅海內一統疾已將游關東路過彦  
根主大夫菴原氏家遂仕之列武騎食祿百石為室老  
實始為彦根人生正重曰道仁君襲武騎祿室老是為  
君考娶植村氏生君、

君幼住主室壯為室老藩法諸卿各自擇其家臣命總政  
府諸事菴原湛主命君掌之甚見委任道仁君致仕罷  
祿湛主卒閑主嗣立幼君盡心輔之府事家政一切倚  
辨於君及主執國政家声未有損焉後主稍驕恣頗有  
酒色之失君驟諫不聽以故漸見疏及主從藩侯某公  
東觀命君留守君謂其人曰此行吾不得從也天子其  
在此則雖主之驕恣以同列相制與吾數爭故不至大  
過在彼則事皆決於一意而无所憚則何以保其不有  
不可知者而從之以處者邪吾恐見其出而不見其入  
已及某公歸東都果以罪責主藉其田宅幽諸某大夫  
室盡逐其家臣独以君与某三人故諸菴原氏之族

某家君為陳言請曰使主至此皆皆某等之罪也願以  
臣等之身歸於司敗以贖主之罪不報居數年君与某  
某謀救主時奸邪用事蔽惑公室謀無所施焉於是君  
愈益憂憤又与某謀遣人東都上書 宮廳請復  
菴原氏其略曰菴原氏先世輔藩主有大勲功于國  
家而子孫世不墜職今主雖以罪在此其人尚少血氣  
未定之所致加之以讒口宣颺而至此耳曾非犯 國  
家大典者若罔家大仁幸不棄菴原氏先功而有復其  
家者某等縱犯上之罪身伏斧質以死不悔凡數百十  
言書辭邈列足以感動人矣前後凡六上及先公老今  
公即位釋閑主立今立賜其田宅如故初君教訓菴原

氏族子京使之讀書知聖矣之道以故菴原氏族子弟  
無不孝友睦姻彬然唯理義是悅矣屬今主幼寓在  
叔家時用事者侵辱之且好衆人弊者毀之爰乎將  
除者數乃族子弟為戮力禦侮不至大辱因卒得立匡  
今主立於是起君命復曰朕辭不許乃不得已起復仕菴  
原氏今主立家政多違君快不樂曰所謂可與同苦  
不可與同樂者在期人采從陶朱公於江湖者吾願也  
而吾世臣義不可去無已甯武子采庶猶可以愚者濟  
焉耳居職若子歲致仕尋卒

君為人方正人為憚焉讀昏潛心於性理之學恒戒子弟  
曰學勿驚虛文遺實用矣其於植邨儒人特至孺人八  
十君六十花尚晨昏奉養必以躬疾痛痒疴疔目按摩  
有故離其左右必使家人代之未嘗斯須無人於其側  
以為崇配中川氏男二人長某中川氏出天次公臺妾  
某氏出龔祿仕菴原氏以文章顯於縉紳間女一人亦  
中川氏出適中川千秋并餘承裕著野村澹齋墓誌

勝田良延

俗稱精兵衛初稱九

字寧德一字子壽讚州圓龜人也號五嶽又稱流餐

霞亭流芳居姓源其先出自三好世仕圓龜侯極

原良延者余父也以享保丁酉年誕矣男良周撰詞壽詞小引

先生年十六隨父之若州小濱住九年友能詩粟元愷

者与常高禪寺衡山師為方外之交又隨父之西京師

岡白駒友林義卿文學最進博涉羣書詩賦亦富著明

詩礎傳于世

横井時般


一名並明又名順寧字伯懷尾張人也歸也有  
又暮水祢孫右衛門其居曰蘿隱曰遊窩曰知  
丙亭曰半掃菴而為也其有最著仕于尾侯藏食  
祿二千石宮到參政天明三年癸卯六月既望  
卒年八十二葬藤瀨西音寺

其先伊豆北條氏尾張敬公始封委質為臣時般仕至參  
政食祿二千石

少壯留意武事無伎不通受學伺齋小出氏止論經史子  
集野乘稗史涉獵殆遍賦詩屬文又詠和歌篤好誹諧  
連歌景善戲又偶爾所筆傳稱謔亦寓微意云

中歲勇退致仕卜居于城南前津蕭然如一野翁天下  
誹諧連歌者無不知尾張也有翁所著羅葉蟻封二集  
及鴉衣 并大田子稻著作 于府志世史傳小傳翁亦假字又云

堀田方舊



字維新號恒山又號六林祢紀六其先出自紀  
氏世事尾藩官到先鋒隊寬政三年辛亥七月  
二十日卒年八十二墓名古屋城南總見寺  
為直使者病免起為先鋒隊長迂少府出為岐阜宰再入  
為少府復為先鋒隊長老病為奉朝請遂致仕養志

学於松平君山博覽無不該通最好誹諧連歌又好戲文  
殆於 伯中 也有翁而曾實有 錄 雉水不足所著護花園錄稿及  
隨筆若干卷其他戲文不遑枚舉云同上

